

廣
西
名
勝
志

廣西名勝志卷之四

閩中曹學佺能始撰

梧州府

在省城東南七百里

領州一縣十

漢地里志蒼梧越地秦始皇貍百越以屬桂林郡秦末趙佗自立爲南越王封其同姓趙光爲蒼梧王卽此漢平呂嘉以其地爲蒼梧郡之廣信縣因於郡燕置交州元封五年置十三州刺史於禺貢九州之外交州刺史部七郡蒼梧其一而交州仍治廣信後漢獻帝末孫權以步騭爲交州刺史始遷州於番禺孫皓時分置廣州理番禺而交州乃

統龍編矣晉宋齊梁陳蒼梧爲郡不改至隋始廢
唐平蕭銑置梧州天寶元年改蒼梧郡乾元元年
復爲梧州宋因之元改梧州路 我明設府○史
記帝舜南巡崩于蒼梧之野山海經曰蒼梧之山
帝舜葬于其陽丹朱葬于其陰文穎注漢書以爲
九疑之山半在零陵半在蒼梧也魏濟引玄中記
云堯時有何侯者隱蒼梧山至夏禹已二百餘歲
五帝賜之藥一器家人三百餘口同昇今爲太極
真人按此則蒼梧已著名于上古者矣○羅弘蒨
州長沙人漢元封五年初置交趾部刺史弘入蒼

梧春行冬息徧歷所部咨詢疾苦太守而下多解
綬請罪弘廉實舉發一時貪殘爲之斂迹部內肅
然○喻猛和帝時爲蒼梧太守以清白率吏郡人
頌曰旌維蒼梧交趾之域大漢惟宗達以仁德○
賈琮字孟堅東郡聊城人靈帝授交州刺史時交
趾屯兵反執刺史及合浦太守琮到部訊其反狀
咸言賦稅過重百姓家殫民不聊生故聚爲盜賊
琮卽移書告示各使安其資業誅斬渠帥爲大害
者簡選良吏試守諸縣蠲復徭役百姓底定巷路
歌曰賈父來晚使我先反今見清平吏不敢飯○

陳臨字子然南海人漢末建中爲蒼梧太守推誠
簡理漢人以孝悌民有遺腹子爲父報怨殺人被
吏所獲臨知其無嗣令其妻侍祠後產一男郡人
歌曰蒼梧府君恩廣大能令死囚有後代建安中
徵爲廷尉後本郡以五月五日祠臨東城門上令
小童蒙服以舞之○圖經云朱臨水在郡城南後
漢郡守陳祥升郡事暇時釣魚于此○朝臺岡在
城北六朝范曄築臺山上遇正朔輒率群僚望朝
而拜○梧州有總府其右爲總督制府而總兵府
在總府之東北謂之西府故事元戎乃勳侯也嶠

南瑣記云舊府中有伏波將軍所鑄銅鼓其一尚存形不似今制深三尺許面徑可三尺五寸旁圍漸縮如腰形復微展而稍弇其口似今之竹焙篝體絕薄純綠色紋甚精古面環遶作毒蟲十數昂首如欲跳狀中受擊處亦平但畧厚如鏡耳已有斷裂痕擊之聲不甚發聞一完好者近爲稅璫敲之內庭所縣木架尚存堂之左右有銅鑄狼機數柄倒杌地製亦精必非近時物也又聞蒼梧郡有銅船沈于水至今天霽水澄隱隱可見謂是伏波所鑄按後漢書永和間周敞爲交州刺史採龍山

之木爲州門鼓仍分一鼓給桂林郡一鼓給交趾郡擊一鼓則二鼓皆鳴所謂叩宮而商應者也其形亦倣銅鼓之製大抵夷人重約誓信鬼神故多作此類以鎮服之耳○儒林傳後漢劉熙字成國北海人博覽多識名重州黨建安中薦辟不就避地交州往來蒼梧容授生徒數百人乃卽物名以釋義惟揆事原致意精微作釋名二十七篇熙自爲序其時有程秉字德樞南頓人少明周易詩書逮事鄭玄得其奧秘後避亂交州與熙考論大義遂博通五經士燮命爲長史孫權聞之以禮徵辟

拜太子太傅後卒于官所著周易謫尚書駿論語
鄉凡三萬餘言又有薛綜字敬文沛郡竹邑人世
典鄉郡爲著姓綜少明經善屬文舉秀才漢末大
亂乃依故人遷地交州從劉熙學士燮旣附孫權
召綜爲五官中郎除合浦太守治郡威惠並行民
僚愛之轉守交趾時交土始開刺史呂岱率師討
伐綜與俱行事畢還都守謁者僕射赤烏三年徙
左部督尋爲選曹尚書太子太傅六年春卒所著
詩文名曰私載○西事珥云後漢永平間陳元長
孫以布衣伏闕疏稱范升等所駁左氏義皆斷截

小文蝶黷微辭挾瑕摘譽掩其弘美請復立左氏
學上從之元獻難將軍欽之不欽治左氏與劉歆
同時而各自爲家三輔決錄謂左氏春秋遠在蒼
箱蓋指欽也元子堅卿亦以左氏顯若此則遐陋
系上能用經術崛起固不必借光于富賢矣○牟
子者蒼梧人其自叙曰靈帝崩天下擾亂獨交州
左安北方異人咸來茲土多爲神仙辟穀長生之
術時人多有學者牟子常以五經難之道家術士
莫敢對是時牟子將母避世交趾年二十六歸蒼
梧娶妻太守聞其守學謁請署吏牟子見世亂無

仕宦意竟不就州牧辟之復稱疾不起牧第豫章
太守爲中郎將卒融所殺牧乃請牟子曰弟爲逆
賊所害骨肉之痛憤發肝心當遣劉都尉行恐外
界疑難行人不通君文武兼備有專對才今欲相
屈之零陵桂陽假塗于通路何如牟子曰被絺服
櫪見遇日久烈士忘身期必騁效遂嚴當發會其
母倖亡不果行久之歎曰老子絕聖棄智脩身保
真萬物不干其志天下不易其樂故可貴也于是
銳志于佛道兼研老子五千文含玄妙爲酒漿翫
五經爲琴簧遂乘筆墨餘閒畧引聖賢雅言證解

之名曰牟子理惑云

蒼梧縣 附郭

漢蒼梧郡之廣信縣亦郡所理也隋始設蒼梧縣
縣南十五里與封川界屬廣東有兩廣樹在封梧
之間南北兩柯驗其榮瘁以上兩省之豐凶○唐
盧綸寄嶺外故人見說南來處蒼梧接桂林過秋
天更煖邊海日長陰巴路綠雲出蠻鄉入洞深信
迴人自說夢到月應沈碧水通春色青山寄遠心
炎方難久客爲爾一霑襟明解纜詩蒼梧城北繫
龍洲水接南天日夜流水井鰐池春草合火山鮫

室夜光浮千家竹屋臨沙嘴萬斛江船下石頭歌
枕夢聞霄漢近珮聲猶在鳳凰樓○按志繫龍洲
在城東七里大江中亦名七里洲江水巨漲洲獨
不沒故謂之繫龍洲○水井在城東水井寺內其
水澄湛不涸味甘且冷唐經畧使元結目之爲永
井又爲銘刻石上其前有浣清堂今廢○鰐池一
名恩良江在城北二十里亦名多賢水其中鰐魚
有四五是長者二丈恒在山間伺鹿亦能啖人攷搜
神記稱扶南王范尋養數虎於大雲山以罪人投
之無罪者虎不食乃赦之又於池養鱷魚十數頭

授之如大雲法學士解公似用此事曰大雲山在
城東北隅有伏虎巖蟠結危聳卽范養虎處今授
虎之事寂然乃有三界廟者廟中小蛇十數背青
腹赤口有火光常緣神身及蟠繞藤香上人以手
接而玩之甚馴習往來莫知其竊有所願越期未
嘗者蛇輒至其家人驚曰神索願也友人鄭紱偕
予至梧渡江祀之果然廟在火山之麓○寧宇記
云久出府城南隔江山水深無極山上有火每
三五夜一見如野燒或言其下水中有寶珠光燭
三上或言南越王尉陀藏神劍於此故騰焰如火

山有荔枝四月先熟吾閩稱火山荔枝本此又產
獸名靈麋生三足郡中有災福及使車將至則先
鳴唐沈佺期詩身經火山熱頗入瘴江銷虞衡志
云嘉魚在火山下丙穴中狀如小鮓魚味極美春
末尤佳○三江以左右二江合府江滙于城南故
名府江一名桂江卽灘水也水經注曰鬱水又逕
蒼梧廣信縣灘水注之又東逕番禺入海是矣漢
武帝使馳義侯發夜郎兵下牂牁江會番禺卽此
也水傍有石英山宋產石英克貢英山之左有鶴
飛岡相傳南漢太守劉曜嘗鑿斷之俄有雙鶴飛

逝于上又城北六十里有通星山亦傳曜所鑿以
觀星象者○金石山在城東二里圖經云吳時有
道士牽牛渡江語舟人曰船內牛糞聊以相酌舟
人視之牛糞皆金須臾道士與牛並隱石下○石
鼓洞在城西北五里山巔有洞洞下爲慶林寺其
左臨江爲高明亭故址○蘓山在城東南八里大
江之許相傳宋蘓軾被謫南行泊舟於此山下故
名○立山在城西十五里東臨大江山坂平行西
極險隘一徑通藤○印山在城西北三十里其形
正方如印特立水塘中塘曰大印塘○城家記云

農城縣在治西南晉置劉宋時廢郡國志云縣有
銅山鑄湖銅丘○戎城縣亦晉置宋咸平省入以
地置戎墟鎮○歌羅城在治西南六十里隋開皇
李賢築以屯兵者○漢孝子丁密墓在縣內密遭
父喪廬于墓側有雙鳬游密舍傍小池見人馴伏
後遭母喪復廬墓三年雙鳬游戲池中亦如之全
時有頻琦者母喪獨身造墳歷年乃成手種松樹
成行感飛鳬白鳩之瑞南史范雲爲刺史遣使祭
密及琦墓是也○唐吳武陵墓在城內桂芳橋石
刻唐咸通二年立○朗吟亭在城東跨濠通放生

池舊名飛仙以昔有神仙朗吟其上○武寧渡在
通運所前杜江之側○戎墟渡在城南二十里大
江上通長洲卽宋戎墟鎮○五兩渡在縣東二十
里本唐詩惡說南風五兩輕之句

藤縣

在府西
六十里

本漢蒼梧郡之猛陵縣地晉置永平郡於此隋廢
郡置藤州唐天寶初改感義郡乾元初復爲藤州
治寧風縣繁徙治鐔津縣元因之我 洪武十一
年改州爲縣省鐔津入焉○唐宋之間發藤州詩
朝夕苦過征孤魂常自驚泛舟依訪泊棹館聽猿

鳴石髮緣溪長林衣拂地輕雲峰刻不似苔壁畫
難成露浥千花氣泉和萬籟聲攀幽紅處歇躋險
綠中行戀結芝蘭砌悲纏松栢塋丹心江北死白
髮嶺南生魑魅天邊國窮愁海外情勞歌意無限
吟月爲誰明○東山在縣東一里上有李衛公祠
以公南征嘗駐師於此○南山在縣南二里頂平
如砥上有杏壇松崖竹巷芹澗皆清絕勝地附近
爲石壁山巖巒相倚松檜倒生其下卽大江也又
有石人山危石臨潭遠望如人○龍驤山在縣南
七里數峯聳列下俯清流晉龍驤將軍陳隱鎮此

管驛兵山下故名○登嶼山在縣西十五里二山
南北對峙江中蒼翠相望濫於眉睫○六爻山在
縣西九十里山形交加如列成卦○赤水峽在縣
東六十里峽南有巖深濶丈餘頂竅通日光相傳
李白嘗過此因名李白巖峽與巖相對壁立而一
水中流舊有廣惠寺今置巡司其上○白藤嶺在
縣西南一百里路通容縣多產白藤今昔州縣俱
以此名○藤江在縣北源出交趾至邕州左右江
至此與繡江合又東流至番禺入海蘓子瞻詩繫
舟藤城下弄月鐔江濱江月夜夜好雲山朝朝新

按宋紹聖間黃門蘓轍責授化州別駕其兄軾亦徙儋州相遇於藤作詩倡和卽此處也○鐔江在縣東南自高州北流徑容縣至縣城東入於黔鬱唐武德初有宣撫使者至此艤舟遊慈聖寺以金杯挹井水杯墜井中汲水至乾不見杯只得一龜長一尺二寸宣撫解紅勒帛繫其腰放之井祝曰爾若有靈當漲杯出水及歸至寺門塘見龜踴躍塘內次日遊乾亨寺道忽見前杯自澗流出又見前龜紅帛仍繫於腰又拾龜而放之曰爾若有靈同歸供養是夜風浪忽起宣撫舟中有一寶劍浮

水而去明日集網窮搜不見但得古藤一根而埋
之乃至西岸又見龜跡環繞及奏改移鷺州於此
仍依龜跡築城名其地曰黿津且於寶劍躍水處
名劍江○注王泉在縣西南宋秦觀詩中有涵雲
注王之句故名元余觀詩雲蒸崑山液月浸藍田
英臨風嘯沆瀣滿腹珠璣鳴○桂山泉在縣東二
里色白味甘余觀詩寒蟾窺玉甃老兔遺香酥化
爲銀河水一沃炎海枯○鴨兒灘在縣南三里富
禮詩云秋高霜降餘灘淺石齒齒漁郎吹笛來野
鴨斜飛起山頭兩石人並坐如笑指○金環灘在

峽內唐武德初有於藤州得馴鵲者能言語歌舞
獻之內庭歲餘不語恠而問之答曰身居南土生
長禽中父母異方故不敢言上憐之賜以金環而
遣之歸因以是名○樹州托州俱在縣東繡江上
居民鱗錯○秦觀題藤州光善亭詩霞通海天曙
月來東山白共是凭欄人誰足當秋色相傳觀在
藤嘗夢中作辭云山露添花花動一山春色行到
水溪深處有黃鸝千百飛雲當面化龍蛇夭矯掛
晴碧醉卧古藤陰下杳不知南北時觀已病是日
偶爲客述之因索水水至不能飲笑視之而卒

容縣

在府西二
百四十里

本漢合浦縣地晉分立嚴昌縣梁改曰陰石縣因
立陰石郡隋廢郡改縣曰奉化又改曰普寧屬藤
州唐武德四年平蕭銑置銅州貞觀八年改容州
以容江爲名宋元如之我朝改縣○唐曹唐逸
嚴大夫再領容州日照雙旌射火山笑迎賓從却
南還風雲暗發饒歌外號令潛生氣桀間簞竹水
翻臺榭濕刺桐花落管絃閒無因得報真珠屐親
從新侯定八蠻○大曆間元結爲容管經畧使植
蓮于廨後池構亭曰面面以其四周爽豁可矚蓮

花而名□相傳蓮塘內有銅鍋一口每風雨夜與
譙樓禁鐘相搏鐘蓋唐貞元間物也當事者屢欲
徙之他處皆不克達若還之祇用其力之半○濯
纓亭在城西三里繡江上有石橫江枕流上平如
砥可坐數人石罅如紫玉尊受水數斗次山亦名
之爲霏簪其水色似滄浪故以濯纓名○城南江
卽容江也一名繡江有駱駝橋跨之唐貞觀二年
建學于此至元始遷江源出北流藍山經縣城南
東流入藤梧○距城十里有讀書臺巨石蟠江上
如砥昔漁人繫舟夜宿其許聞石上朗誦書聲故

名○北靈山在縣北二里其狀似龜亦名真武嶺
又八里爲陵雲山勢高入雲上產斑竹○西山嶺
在縣西二十里嶺斜而長聯絡不斷迤北卽大容
山○大容山在縣西北二十五里高五百丈周圍
一千餘里鬱林高淳諸州分據其麓○都嶠山在
縣南二十里山有八峰曰兜子馬鞍八疊雲蓋香
鑪仙人中峰丹竈而八疊最奇秀有南北兩洞道
書第二十洞天南洞寬廣平坦中有浮屠大像北
洞差狹爲星壇者八中峰絕頂有室曰中宮院宋
隆興中有梁賢者與友人遊此見有閣宇三間傍

多梅林取一顆啗之自是遂不粒食蘇東坡贈鄒
道士詩乞得紛紛擾擾身結茅都嶠與仙鄰卽此
○楊山在縣西雲凌里唐楊貴妃產於此有井尚
存曰楊妃井妃小名玉環父亡母葉氏懷孕十三
月而生妃後軍都督部署楊康以財帛求之爲女
三歲聽康親女讀書卽能成誦時有長史楊玄琰
攝行帥聞之遂倍金帛與康得之選入壽王宮明
皇召入內爲貴妃號曰太真○龍母墳在縣南二
百里白花村沿澗而入層崖幾瀑飛下數十丈瀑
之左群峰盤竦稍夷處儼成一月堂龍母墳在焉

東偏有小石池容水數斗石壁如削下臨急湍不能容步衆流奔瀉百數十尺乃漚爲深潭渟泓莫測龍蓋蟄伏于此初猶人婦入山中久不返衆往覓之則爲龍所攬陰雲罩幕旣歸所居常有寒氣人莫敢近婦不自覺也娠歲餘產一龍胞中無血止下水數斗頃之雲霧交集騰舉而去婦亦無恙後數歲婦以病死方殯忽有龍自空中下盤旋蜿蜒數四遂擁其骸以去衆隨之至其地石忽自裂龍寘骸陷而入焉石復合後龍常至其家飛繞屋前夕之乃去○唐王翊字宏肱大曆中爲容管經

畧使初夷獫狁崇率等煽亂據其城前後經畧使皆僞治檟曰我容州刺史安可客他所必得客乃止出私財募士有功者許署吏于是人人自奮不數月斬賊帥歐陽珪悉復容州故地詔徙治順州○戴叔倫貞元初爲容管經畧使綏徠夷落威名播聞德宗嘗賦中和節詩遣使者寵賜之其時有常丹爲容州刺史教民耕織禁止惰遊始城州十三里開置屯田二十四所○宋王次翁知容州賊不犯境嘗募元結之爲人恥結在道州時乞免科率二奏刻之石并其遺像以自觀省曰庶不墜

元子之政也○元封屢孫字道坦至順間進士嘗
任清水司巡簡致仕日寄情詩酒淹貫百家所著
有容州人物記○國朝彭清錢塘人永樂進士知
容縣事撰次邑志三閱月而成在公之暇發爲詩
數篇有風致

岑溪縣

在府西南一百九十里

本漢蒼梧郡猛陵縣地陳置永業郡於此隋罷郡
置永業縣唐武德五年分置龍城縣仍置南義州
貞觀五年徙治岑溪宋太宗時避御名改南儀州
熙寧五年州廢以縣屬藤州 國朝改今屬○高

城山蟠結縣南勢競高遠土人以爲石人領有巨石如人立狀○烏峽山在縣北十里壁峻千仞縣治是憑舊有烏峽巡司今改上里河村去縣四十里○丁蘭山在縣東十里有丁蘭村爲漢孝子丁蘭故居或云孝子丁密非蘭也一名丁郎山其下有泉名孝感泉密字靖公詳蒼梧下○都盤山在縣南二十里一名羅山○冷水山佛子山並在縣西南三十里兩山相接如翼之張縣以爲輔○要義山在城東一百里崢嶸秀特又名秀峰卽繡江之源也縣南有皇華江縣西有潘洞江俱出連城

鄉經縣前西流入于繡江下藤峽入梧○孫吳虞翻字仲翔會稽餘姚人爲騎都尉數直諫吳主權不悅權與張昭論及神仙翻指昭曰彼皆死人而語神仙世豈有仙人也權積怒非一徙翻交州後徙蒼梧猛陵嘗云自恨疏節骨體不媚犯上獲罪當長沒海隅生無可與語死以青蠅爲弔客使天下一人知己者足以不恨雖處罪放而講學不倦門徒常數百人在南十餘年卒○晉勾漏令葛洪在縣東六里山脩煉有棋盤石澗流涓涓入石竅中因名葛仙巖相去里許有石穴出泉甘冽名葛

井昔題巖壁上詩云古洞門深百尺寬石巖題詠
暗苔斑細尋仙令燒丹去滿地流泉浸月寒

懷集縣

在府東北一百五十里

漢四會縣地晉懷化縣隋改懷集西南有懷溪合
馬寧花地諸水經廣州入海其南峰有釣臺石臨
溪水色澄泓時出白魚游泳可見按懷谿發源齊
嶽山在縣西北一百里峭拔出於衆山之上望如
嶽齊故名○天馬山在縣南五里唐地理志驃山
疑卽此○四門巖在縣西五十里突起平地中有
石室外有四門巖中石乳凝結爲柱者八爲蓮花

者一此巖之東北又有遊仙巖巖中化龍石一石
入一西南有三潮巖巖中有泉應潮輒湧○朝巖
在縣西八十里徑窄而暗其中明徹滴乳凝結爲
珠玉纓絡鳥獸龍蛇之類甚多此巖西南又有燕
巖石峰峭拔入洞深邃中有石僧之茵基局以多
蟄燕于此故名○梅子山在縣東一百里中多梅
樹掩映成林○白崖山在縣西南百五十里山嶺
險峻白石楚楚望之如雪故名○廢懷遠縣晉置
在城東十里今立古縣營是也○廢威州唐置鎮
懷集永固泅水三縣尋廢今縣西南獨過里大路

傍有龍崗驛是其遺址○廢永固縣舊志云在城北不詳其處今縣東南務本里有永固岡城垣基址猶存疑或近之○廢泅水縣在縣西西水里泅水渡頭上里許蓋永固在唐開元時省入懷集而泅水以宋平南漢時省也○古龍湫在黨山大凹潭深不可測相傳有龍潛其中每風雨時作潭自有聲歲旱祈禱輒應○上愛嶺與新州四會縣接壤唐神龍間五祖傳衣鉢與惠能密囑能速去恐人害之嘗潛至上愛嶺最高峯頭石室棲遲至今猶傳曰六祖巖長慶年間泅水縣建寺以尊崇之

後寺廢乃于道士巖前重建○道士巖卽花石洞也晉葛洪字稚川號抱朴子嘗遍遊名山過潯水縣覽花石洞遂居之采覓丹砂及金鵝蕊諸藥丹竈中鐫抱朴二字水清墨蹟隱隱尚存後人遂以道士名巖○明廣文黃宣遊花石巖賦辭采駢麗余采之云於爍懷陽秀石峙嶒盤錯蒼梧枕轡交粵挺玄黃之麗象跨嶺海而橫越乘標引峯連絲喝嶠體爽磴以屹嶒紛郁郁以纒列或罪鬼兮而崖客或塘畔兮而嶰嶰或簪岑兮嶢刺以參差或嶙峋兮嶮嶭而斷絕或下平行而曠蕩或上吟

而截薛于東則青江浮瀟蕩其胸于南則赤水洑
湫涌其穴其巖則有四門洞囑從橫崎嶇鬼竈怪
啐儼若天闕芝房無以參閭風不能劣于前則有
中天石竇上泊玄幽炫耀虹蜺千斗射牛雲鳥穿
飛曾莫知其攀遊於旁則有坂坻嶺岬而成巘狀
若藻蓮猗猗太華競秀爭妍游女弄竒于若邪之
曲耕父揚光于清冷之淵於右則有北面齊嶽雙
峰峻崕隆崇歸峴豐冠山之朱堂盤紆玲瓏儼員
嶠之瑤室爾乃開白雲之庄披素書之帙簾簾雲
幌霏霏映日圓地生明曲若新月邈乎哉洵宜望

之無際恬矣哉蓋流盼而靡一至若青冥迴薄魏
巍銀表道人兮羽化雲女兮嬌媚金鵝石魚兮時
不散龍鼎玄珠兮沈不曉淒乎雲淹兮神何奇溢
乎水涵兮澤奚小爾乃登嶠嶢覽遐眇披巉巖眺
諸石則有尖若奔驟類天馬之騰空蜿若游龍儼
巨熬之立地或前橫若削而筆聳或後赴若敵而
劍擲或蒼若雲門而黠黠或霞若洪鐘而仆仄或
連若累空而輻輳或散若蹲踞而遠埴美哉茂麗
臨望廣矣奇矣衆備難覩記矣于是乃列寺營址
棲樓于後東西膠葛南北駢複雕梁鏤采異出奇

構柱是乃崇基表剏金彩玉璞施不捨之壇結無
緣之閣掩室摩竭演勿照之真明柱日魄邪通息
言之妙覺夫然後九衢之草千芳四照之花萬灼
崖谷共清地景交連于是同塵并井都人女士絃
服靚粧雜沓雲纒躡臯巒以馳驚蕩神情之曠美
悵百年之迅度日豐容之難似追穹輿之無盡識
蜉蝣之幾遇于是有朱輪鼎貴偕從奕奕陳詩采
風麗觴舉白澹忘懷乎紛務暢游倪于瞬息於是
有玄真之子輕妙之容攀雲藐之石室尋霞舉之
仙舄仰慈翠以延脰恣遨遊以高適此則花石洞

之梗傑世得爲雄美者也若夫悟暉韶而葉綺感
豔節而花燃雜好鳥之流聲釋機情于魚釜翫盈
虛於物化揆興義於瓊篇綠草萋而送春朱櫻荐
而迎憂愛晨風之弄旭厭夜黃之噪夜閑踟躕于
月觀喜滄蕩于風榭搜沈寥以魂搖托沈騷而賦
鴛人安得而不懷余安能以自默乎客曰若吾子
之言大都能道其要妙所謂殫究于前開發蒙于
未覺矣蓋爲竟其說焉遂辭曰遯廓萬有天地宅
兮則芳茲石恢竒怪兮鴻荒無傳誰斧鑿兮巖巖
且瞻洵俯仰兮苞光靈曜施莫石兮必有偉人來

相符兮變調知謬美贊侑兮○又有李齡者亦唐
文其詠南谿古渡詩云兩堤楊柳酒帘風去去來
來信莫窮記得南河歸路晚水邊停騎落霞紅又
佛燈晚照詩依約禪關入定鐘佛前燈火隔疎松
山僧深夜渾無寐更借寒光照鉢龍

鬱林州

在府西北三十里

領縣四

本秦桂林郡地漢元鼎六年更桂林爲鬱林後漢
光武二年世祖鬱林太守外卽此魏晉因之梁改
爲南定州隋大業初改尹州煬帝改鬱州尋改爲
鬱林郡自唐已來州郡率無定稱而鬱之名不改

州故治南流縣 國朝以南流省入○谷永漢建

武中太守廣鬱古西甌駱所居永以恩信招降烏

濇人十餘萬開立七縣○吳陸績爲鬱林守歸舟

輕於岸上取巨石壓之人稱曰陸公鬱林石在今

吳郡之婁門陸龜蒙居臨頓里其門有巨石卽此

○毛靈晉泰始七年守鬱林壯勇慨慷爲吳將陶

璜所執不屈而死後人立祠祀之○劉宋太守劉

勔至郡珊瑚連理生勔聞于朝爲大明七年正月

○王安中字履道中山人宋靖康初以尚書左丞

論時政謫鬱林子孫因家焉○元文升宋末承

天祥弟璧之子也信國死難以升爲嗣後仕元海
北蘄訪使卒葬于此州之八疊岡子孫遂家於鬱
今有文丞相祠其裔諸生文運熙者尚藏 國初
解學士縉書公上巳詩以貽蘄訪子良錫云○圖
經信石山在州東南二里一名牢石坡坡上夾石
便豎如鐘唐置牢州以此每歲秋期鄉人共候此
石若有雲氣覆之歲必大稔○石柱坡在州南三
里柱高二尺相傳馬伏波立及七里爲兩道嶺峰
嶺稱疊嶂陸二縣經由此分○寒山在州北二十
里九域志云越王陀遣人入山採橘十日方回問

其故云山中太寒不得歸故名○荔枝山在州東南二十里山出荔枝夏月熟時如錦屏障○隱仙巖在州西二十里石室幽邃壁上題元和十四年來遊七字附近爲黃都山九域志云昔有樵夫入山迷路見黃衣冠者五人語之曰吾都此山者也故名○水月巖在州東南二十里洞中虛明石乳凝結如琅玕倒垂澗水從巖中流蕩漾激石遵澗行爲陰洞遊必列炬跨木渡澗數十步水石益奇削爲芙蓉伸爲仙掌湍盤柱立翔飛疾馳無所不有又出洞西南行拔緣而上有一峯拔起草木

蔚洞在其腹是曰天馬洞洞中有馬蹄跡莫紀其
數直入石二三寸許又有釣天洞分上下二界卽
天馬西峯也下洞涉潭水始至臨潭有二石加之
作金玉聲上界軒豁可布十筵坐聽考鐘擊石琅
琅如釣天之奏已拂日光矣溯其初入洞兩山欲
合未合之間上露一道天光晻晻如昧爽初曙澗
流紆折與之相應又別自一世界也○南流江在
州之左南流縣以此名源出大容山會綠鵝水西
南流十餘里八疊繁廻過羅望江至廉入海江濱
有巨石如伏犀石間二竇水各湧出合爲一派廻

數十步入江宋嘉定十六年忽湧紫水因名紫泉
○五龍潭在州南三里其水甚深色如靛旁有石
壁狀如雕鏤○司命井在鬱平廢縣縣即唐麟德
初所析置也南越記云縣有石井其淡半之可給
閭境不竭又其南有石室皎潔明明中有石人像
中一石床可坐百餘人○郡國志云馬援造銅船
一旣歸付程安令沈於渚天晴水澄往往望見船
樓上恒似有四寸水不知幾十丈許○顧微廣州
記云鬱林郡東南山上有池池有石牛百姓祈雨
殺生牛以牛血和泥泥石牛背祭畢即大雨洗石

牛背泥畫乃時又有西甌池在郡西越王遣甌脫
淬劍于此晨夕常有煙氣今西甌驛沿其名○南
史齊武帝乘龍舟遊江中絁越布爲帆結綠絲爲
帆綵以鍤石爲足榜人皆着鬱林布作淡黃袴舞
佗客樂按今鬱林葛南方稱爲佳物機誕而縱長
五六丈然質頗重厚似不甚宜暑原貢額不載萬
曆十五年始令貢千疋已又令貢二千疋工部覆
奏定每歲百疋頃內監教之織爲龍鳳紋以獻
今上登極敕止之○金石畧云後漢鬱林養奮碑
字叔高和帝時舉方正碑以初平四年八月立○

唐鬱林觀東巖壁上崔逸八分書併撰文開元七年正月立

博白縣

在州西南七十里

本漢合浦縣地唐武德四年析置南州并置博白縣六年改南州曰白州仍以縣隸焉宋開寶五年廢白州以博昌縣隸廉州七年復置白州紹興六年廢州爲博白縣隸鬱林至今因之○衛公山在縣東十里有靈應侯壇相傳卽李藥師也其側爲洞房山高廣玲瓏綴乳丹碧麗若雕房宋劉子羽謫居時置有尋山堂今廢○雙角山在縣西十五

里雙峯角立綠珠江發源于此又十五里爲綠羅
山其下有綠珠村○將軍洞在縣南三十里洞九
三重石室虛明中有石田石龍石廩有溫涼泉分
爲二派而流石壁上刻南州太守領將軍龐孝泰
十字○伏割山在縣西四十里鸚鵡孔雀諸禽多
出其中下爲伏割村○金魚山在縣西南五十里
舊傳魯產一角羊于此山下有石井深十餘丈多
金魚○又十里爲宴石山北岸臨江中有二石流
泉清激崖宇虛曠峙于其巔寔宇記以爲南越王
宴坐處○飲馬江在縣南一里漢馬伏波南征飲

馬于此○綠珠江在縣南七里嶺表錄異云白州
界有一派水出自雙角山合容州江是謂綠珠江
昔梁氏之女有容貌石季倫爲交趾採訪使以真
珠二斛買之梁氏之居舊井存焉飲者必誕美女
宋徐靈緣珠渡詩早出綠羅村晚過綠珠渡日落
白州城草芳梁女墓江水流古今滔滔不相顧今
人不見古時人依舊青山路如故○南漢時博白
有遠村號綠合者皆高山大樹人跡少至斗米僅
值一二錢以深窅險峻不得出也村民嘗自謂其
山多鳳大如鵠五色有冠而尾甚長率居大樹之

巔晴明則雙飛而出所過諸鳥斂翼俛首伏不敢
鳴者久之又宋景德間白州有三鳳自南來飛入
城中群鳥隨之至萬壽寺前棲於百尺木龍樹上
身長九尺高五尺備五彩冠似金杯此二則見西
事珥○唐龐參少以忠義自許龍朔中由武功
歷左驍衛將軍遼東道行軍總管戰歿于陣○李
時亮字端夫宋嘉祐中進士累官散騎常侍兼御
史大夫亮善屬文尤長于詩與同官陶弼相賡和
有詩曰李陶集已上俱博白人○蔡條叢記云博
州城西有新村吾叟杖其間至一舍旁見兩老人

唐書地理志卷之四

十三

坐飲廼兄弟也。大者年九十四，顧謂曰：「此吾幼弟，年七十八矣，從旁環拱而立者，皆老人之曾孫，殆可入畫圖也。」

北流縣

在州東四十五里

本漢合浦縣地。晉析置勾漏縣。唐武德初，改置北流，屬合浦郡。舊唐志云：州所治也。隋大業初，以陸川縣地入焉。唐武德四年，析置豪石、宕昌、南流、陵城、新安五縣。貞觀十一年，省新安後，又併豪石、宕昌俱省。元和郡縣志云：北流縣在州郭開元中移於今理。○縣學唐貞觀三年建在登龍橋西。元大

德二年遷于寶圭驛至正間始遷今所○金龜山
在縣東二里口吻尻尾皆具遠近視之無不駭爲
直者與會靈臺隔江相對亦高山也上有瀑布巖
洞○梧臺山在縣南天門山在縣西與穿鎮公界
諸巖爲縣西南之鎮○勾漏山在縣東北十五里
平川中石峰千百矗立特起其巖穴多勾曲穿漏
故名山有靈寶觀觀東有龍潭洞冷襲毛骨觀後
二小洞南向者曰太陽北向者曰太陰由觀後西
北行卽勾漏洞洞前俯瞰有橫塘石室室東爲寶
圭洞秉燭而入丹竈床几盤甕礪臼皆石乳自然

疑結而成約半里許水涯循梯直下拏竹筏而行
歷甕門三四重間闌委曲窮水際益廣益奇矯首
見一點煙如長虹出天表蓋石罅之容光也捨筏
躡梯板躍而上其中一室曰蟠桃深三四百步仰
視高處杳不見頂其西小室明朗連榻周遍可踞
可卧是爲道書第二十二洞天按北流志云晉葛
洪爲勾漏令嘗於寶圭洞脩煉成仙雒州志云洪
句容人聞交趾出丹砂遂遊雒訪羅山寺脩煉丹
成復遊勾漏歷羅浮以去廣州志云洪將之勾漏
至廣州刺史鄧嶽留之不聽去止於羅浮煉丹忽

與鶴疏云當遠行尋師嶽急往別及至洪已兀然
而逝蘓子瞻與王定國書云葛稚川求爲勾漏令
而竟化於廉州其說不一如此晉中興書云洪亡
時舉屍入棺輕如空衣豈其屍解於羅浮而後遊
於勾漏耶山西事珥云勾漏洞天四面石山圍繞
其中忽開平野數里洞在地上不煩登陟外微敞
豁中有暗溪穿貫而入與北流水合結小桴坐其
上命篙師撐之詰曲而行水無底兩岸石如虎豹
嵒巖森然欲搏行約里許仰見一大星燭然細視
乃石孔透天光也洞對高厓上夏時望見荷葉田

山然峻絕不可到土人云或見荷花則歲大稔口
寶圭洞卽勾漏正洞石室中有玉宸道君及葛真
人石像五季時迎自南海者遊人躡梯攀蘿曲磴
飛棧如瑤階玉埒小石細碎羅列如杯如竿又如
楊梅荔枝充滿梁疊莫可名狀轉仄僅容跬步直
穿太陰洞後出山腹乃寶圭之東洞中室曰蟠桃
廣三四百步仰視高處不見其頂西小室洞朗外
矚自然石榻平鋪疊梁可眠可踞與東洞對正如
兩掖○白砂洞縱廣一項高數十仞石膏玉英散
彩流光下有涸井數處皆舊時採砂之坎凡砂生

於此其色獨白故名洞西有韜直觀石碣記云南
漢時中官陳君所經營左右二石室深四五尋石
床相對隆冬亦溫其上重重如層樓複閣與溪澗
映帶有石窟高深者丈餘韜真觀傍有玉虛洞洞
中物象瑩潔如玉雲從洞出則雨風從洞出則霽
玉虛洞之下有巫山寨規圓二頃絕壁千仞上有
二峯四顧一闌間以尖峰懸崖巘岈韜真觀之西
巫山寨之北有玉田洞洞闢二門其盤石皆翠碧
色平夷通明可以偃仰其膏乳悉具物象綠石棧
行百步傾身而入乃至石田數丘石花如玉田中

積水無間冬夏不溢不涸出洞而南半里至玉田
寨高十餘仞其深莫測比流爲二池中有小島水
潛通江時有大魚逆流而入去輒直菴五里有普
照巖山如覆釜洞穴當其胸入洞仰視不可階升
而其中仙壇寶塔迭昂交錯幢幡羽衣獵獵飛動
巖間有獨步巖孤峙平野之中石室廣六丈高倍
之虛曠平夷可容數千人石乳樹壁上儼如西方
佛像○綠藍水出綠藍山其流有二一經廉州入
海一經容縣至番禺入海有橋曰落桑跨綠藍江
去縣東二十里○銅鼓潭在縣北二十里昔有銅

鼓潭水西出縣之西鼓潭村落至縣復流水中 本
朝景泰三年其鼓後出舟人獲送本縣譙樓至今
存○馬門灘在縣西四十里漢馬援南征以江
流迅急鑿去其石餘二巨石雙立爲門其中流水
如奔馬故名○北戍灘在馬門灘下唐高駢爲安
南都護平蠻北歸患其湍險屬防遏使楊陵疏濬
之○鬼門關在縣西十里兩山相對間濶三十步
馬援討林邑蠻路由於此立碑石龜尚存往來交
趾皆由此關其南左多瘴癘去者少得生還諺曰
鬼門關十人去九不還我 洪武初敕改爲桂門

關宣德中改天關唐沈佺期詩昔傳瘴江路今到
鬼門關土地無人老流離幾客還○明解縉上北
流二絕句賓家寨前朝雨晴思羅港內水初生楊
梅菓熟春欲暮豆蔻花開鳩亂鳴又金鷄驛前津
吏迎金鷄巖上江水聲金鷄飛上九天去惟有空
巖餘舊名

陸川縣

在州西南
七十里

本漢合浦郡地隋置陸川縣大業初廢入北流縣
唐武德四年復置宋會要云開寶七年廢順州省
龍臺溫水龍化閉河四縣入焉九年移治公平淳

化五年後徙治溫水元屬容州 國初洪武四年

改今屬○後陽山爲縣所据群峰疊嶂起伏不齊

○東山去縣八里高二十丈中有泉水南入玆洞

其下爲金砂溪○文龍山在縣東北十五里山下

有水流遶縣前○雙龍山在縣西南二十里山高

百仞雙瀑流注卽古龍豪縣治也○鳴石山窳宇

記云董奉旣死人見於鳴石山山海經云長石之

山洪水出焉山多鳴石卽此○石袍山方輿記云

山多竹木葱翠如袍山有肉翅虎下山食人食訖

卽飛還絕巖○白羊山山色潔白四面懸絕上有

飛泉下有勾芒木可爲布○交黎山在縣南產黃
白藤及多鵬雉蚘鹿有水濚洄比九十九渡○六
穿石在縣北壁立如碑高丈餘上穿六孔○簫韶
山九域志云嘗聞音樂於此○崑崙水在縣東水
中有石似崑崙下流經廉州入海○平南水在縣
南二十五里合龍化江流入伏波灘

興業縣

在州北
六十里

舊唐志云石南縣州所治也梁置定州陳天嘉中
置石南郡於此隋開皇十年改郡爲石南縣唐麟
德二年析石南置興業其後因之○萬石山在縣

西四里峯巒錯落如累石然其下有石井流澗詰曲土人修禊於此○東斗北斗二山俱在城外十里東斗之外又有東山山上有泉從石飛下百餘仞望之如翔鸞舞鶴舊建有飛泉亭今廢○綠陰山在縣南十里有木如榕大蔽數十畝一名饒山鳴水江遶其下○翻車嶺在縣北二十里龍舟江之源也險峻難行車輟易倒故名○鐵城山在縣南十五里周圍截嶺皆鐵色其中平行客數百家外繚石壁險固如城上多石竇泉流不竭山有四門惟東首可通人行南門有土基相傳爲古敵樓

西北二門多石艱阻圖經云石南郡縣舊設於此
元至道二年移治南流山北一里有古州巖廣數
丈巖中有潭四時不涸又東入一竇有石懸下如
鐘扣之鏗然石壁間有元和十四年來遊等字○
白馬巖在縣西十餘里遠望如馬其中深廣可容
數千人又有三四小洞幽深莫測上透天光○牛
龍巖在縣南二十里中可容千牛每冬寒則居民
驅牛入巖以避又有龍蟄於此○元至正間興業
大李村有姓李者素好脩煉一日與妻自外家酣
飲回至途中忽謂妻曰我體癢甚須過前溪一浴

汝姑待之少頃風雨驟作妻趨前視之則遍體鱗
出矣燭妻曰我歲一來歸當以米糕祀我語畢欬
然變爲龍騰空去後果歲一還其里里人禱之雨
澤霑足禾稼豐稔人呼其宅曰李龍宅